

梁山縣志卷之八

加知州銜知梁山縣事符永培纂輯  
加同知銜知梁山縣事艾銛增修

寺觀

自象教東來梵刹徧于宇內至六朝而浮屠老子之宮  
因之日興歷代不聞禁止或設僧綱道紀二司以主其  
酒掃之役者蓋以彼教雖與儒者有殊然老子以清淨  
化民西漢之治半由黃老佛氏以慈悲為本每能感善  
寢惡警醒貪嗔則福利之說固驅民于善之機揆諸神  
道設教無甚忤也教本人情任民祈禱昔程子見釋氏  
梁山縣志

卷八 寺觀

一

誦經日三代威儀盡在是矣豈可以無涉于典訓遂略  
而不書耶

何以謂之寺觀也按分甘餘話云漢明帝時西域  
僧迦葉摩騰竺法蘭以白馬馱經至雒陽處之於  
鴻臚寺故後世僧所居皆曰寺元帝被疾求方士  
漢中送道士王仲都處之於昆明觀故後世道士  
所居皆曰觀上見雒陽伽藍記及石林燕語下見  
雲麓漫抄

觀音閣 縣東城內一在南路觀音場



玉佛寺 縣東城外

天竺菴 縣東六里觀音溝嘉慶十二年邑令符永

培倡捐重修

兩先山寺

龍象寺

法華寺

陀頭寺

華嚴寺

銀恒寺

梁山縣志

南垣寺

龍泉寺

騎龍寺

水口寺

華山寺

雲台寺

香水寺

興隆寺

井泉寺

俗名八廟

卷八 寺觀



雲峯寺

紫照寺

向陽寺

龍井坪寺

寶勝寺

寶平寺

宗興寺

龍台寺

峯統寺

梁山縣志

卷八

寺觀

三

萬年寺

縣東蟠龍山嶺石壁有天子萬年字故名

今更飛雪禪院嘉慶十二年邑令符永培書額曰

虎豹虬龍明喬鐸甲辰過蟠龍山寺詩上到高梁

最上頭招提佳勝定來遊蒼岬勢險秋當戶瀑布

聲多夜入樓萬里皈依三寶願一官調治百蠻憂

勞人儘有閒心境吟得新詩古寺留 又七已重

過蟠龍山寺詩蟠龍山徑踏層層寺裏樓高一再

登行路崑嶙蠻郡守掩關真羨上方僧千重翠色

偏爭擁百道飛流不在騰纜過春風又秋月願教



長對佛前燈

林鷺菴

清涼菴

莫家菴

余家菴

普陀菴

以上俱東路

石觀音閣 縣南城內温于濬碑記此山在 文廟  
為白虎在縣署為朱雀宜靜而不宜動者也前人

梁山縣志

卷八

寺觀

四

因鐫觀音大士像以鎮之不過數椽而已後此增  
修者高其閤懸以鐘鼓由是頗多命盜案術者  
云閣門向北白虎迴頭朱雀開口又有鐘鼓以助  
之宜其有此乃請于 邑侯符憲而瞿霞飛先生  
精于堪輿謂急更張之自然寧靜因傳集紳耆示  
以撤去鐘鼓門則閉左開右且佛像面南改造山  
門于向為順尅期鳩工庭宇改觀晨昏不用鐘鼓  
以磬代之進香者沿城而入履坦道聽水聲所謂  
曲徑通幽處耶爰勒于石



〔杜華國石觀音閣聽水聲詩〕蓮臺恰好近城邊  
閣清流別有天便似皈依南海座敲殘玉磬聽鳴泉

〔鄧正誼詩〕傑閣近城南南無設小龕簷牙臨水曲  
屋角映雲嵐石壁容鐫古楊枝露洒甘此中空色相禪未許高談

萬年寺 縣南城外

鎮龍寺 縣南七里初名孝禪明宏治十七年建寺  
下有井

梁山縣志

卷八 寺觀

五

國初有白馬自井出爲民害僧永潔駐錫焚香以厭  
之馬遂潛形因更名蟠泉山制龍寺乾隆庚午僧  
秀齡至京師 莊親王召詢原由賜以聯云移峯  
伏白馬聞鐘卽悟如來偈飛錫遶蟠龍聽法方生  
智慧花改題山爲移峯山寺曰鎮龍禪林取靈鷲  
飛移靜攝毒龍義也

〔邵整詩有引〕梁山鎮龍寺明宏治中締構也青山  
不老標形勝于盤泉白馬爲殃曾潛藏于寒井時  
則冰潔焚香駐錫而妖遂匿蹤洎乎秀齡擔月囊



雲而僧真行脚歷燕都以酬夙願逢 莊邸以述  
祖庭 王乃霽容特宜溫諭云青谿碧嶂不殊靈  
鷲之峰梵宇花宮宜署鎮龍之字此移峰所以著  
而制龍所以更也余嘗捫蘿曲轉躋磴遐觀藤杖  
携來擬索均提法偈芒屨踏處思叅妙德真如仰  
觀筆似銀鈎永作招提之寶所愧我無玉帶長鎮  
般若之門 上方正值曉鐘殘曲徑重重勢鬱盤  
鐵畫銀鈎輝畫棟紫煙香霧擁瑤壇馬沉古井形  
原幻人倚高樓影亦寒長嘯一聲雲外落慙無詩

梁山縣志

卷八

寺觀

六

思湧波瀾

白衣寺

朝陽寺

祝家寺

觀音寺

丹家寺

茅菴寺

尖峯寺

廻龍寺



菩薩頂 縣南十里

邑令魯慶登菩薩頂詩二首自注峰巒聳峙寺躡其巔城南佛

寺踞山巔十里危坡達洞天俯瞰尖峰當半嶺遙

看飛瀑出平川烟中樹色雲連郭水畔人家屋似

船面面奇觀經指點憑闌縱目一超然尖峰寺在頂南白兔

亭在頂東俱稱極高登頂望之如平地然北門垣水滿田中望若大河人家屋宇散布如衆船爭灘

奇觀也 衙齋清興復何窮翠嶽孤峰入望中遊屐

幾年邀舊雨登樓此日坐春風當窓竹葉延新翠

待客桃花放曉紅笑我宦途髮似雪可能一醉許

梁山縣志

卷八

寺觀

稱翁

姜嘉祐詩有引是山向結精舍經獻賦而燬雍正

間有僧於頂上拾得銅如來一座光彩射人復建

茹奉之余因感而賦云避暑此中山涼爽月無六

籃輿聽荒雞鬱紆穿斜谷十里牛欄坪猶云是山

麓矯首踞浮雲微微露岩屋一逕寒林入青蒼茂

古木鳥不避人行苔深見卧鹿紅泉石上流結想

同濠濮山僧意多古草草具野蕪款我坐西頭縷

縷述興復自從黃虎來傳燈鮮實錄粵自雍正朝



青蓮生高曲一葉一如來神光眩羣目老人手長  
鑿爬羅開幽馥銅像蝕土花雲雷助發覆紺園三  
五間築以奉金粟我聞此言已神懷倍震肅龍像  
復如是而况眼爲肉丈夫志四方屈伸非榮辱拭  
茲無絃琴韜彼漸離筑涼風颯然至披襟坐修竹  
睥睨高梁城翠烟浮寒玉

邵爲鑿詩我聞崑崙之山高萬丈五色瑞氣時摩  
盪又聞黃帝訪道于崆峒石室懸崖塵外賞歷歷  
名山恣卧遊二十年來空景仰辛丑閏五客都梁

梁山縣志

卷八

寺觀

八

訪得絕頂欣然往百盤九折不易攀清風扶我危  
巔上一望衆山青未了胸中惟覺層雲盪峭壁俯  
瞰千仞餘何年擘自巨靈掌立脚總宜高到此眼  
界放一聲鯨鐘吼耳邊矯首古寺何幽敞修竹蕭  
蕭屋數間中有範銅如來像老僧烹得蒙頂茶松  
關寂歷投筇杖並坐松下開芳樽酌我千杯卸羽  
髦醉眠蒼苔斜枕白日莊生一夢蝴蝶酣遽遽化  
作遊仙客跨黃鶴兮策青驢蓬萊三島兼松柏金  
臺紫館晝夜明採得雲芝飲玉液山鳥一聲驚未



起樵夫晚擔行荒磧携笈匆匆古院封暮霞散綺  
暮烟碧歸來猶未解餘醴睡徹藤牀不知東方之  
既白

張昞詩予于南華嶺方知蜀道難荒煙迷曲谷古  
栢卧層巒俯首羣山小遙瞻沃野寬仙風推少尹

絕頂設杯盤

是日張紫垣少尹載酒邀遊

瞿鏊和詩菩薩峰何峻都悲行路難蒼雲連翠黛  
白日接青巒踞險禪林窄憑高眼界寬松濤傳謖  
謖響爽薦賓盤

梁山縣志

卷八

寺觀

九

張文光詩修竹髯松一逕斜白雲隨意護禪家山  
僧似識遊人到多種巖前優鉢花誰紹雲門一  
瓣香軍持銅鉢任徜徉金剛但得心如是應勝朝  
朝禮法王山頭嵐氣布連綿祇許鐘聲破翠烟  
眼底千岩無覓處忽疑身在大羅天青螺點點  
石模糊雨後看山似畫圖會得木魚巖下水六波  
白不見文殊

破山堂

觀音堂



福興菴

以上俱南路

大佛寺

二處

千佛寺

永正寺

永福寺

花果寺

滿天寺

雲台寺

梁山縣志

卷八

寺觀

十

道澄寺

金城寺

有醉佛樓今廢

高峯寨寺

雙桂禪院

縣西南三十里為破山禪師叢林桂樹

已非舊植寺前有藏經樓後有破山塔康熙六年

制憲李國英題破山塔匾曰燈傳無盡乾隆四十

九年知忠州事符 為僧極靡題匾曰慧命宗範

嘉慶七年 督憲勒 題匾曰忠貫天日又匾曰

普度羣迷知寧遠府事攝梁山縣篆方積為戒慧



題匾曰道範清高十年署邑令袁鳳孫題匾曰花  
雨金粟十一年署邑令朱壬題匾曰談經點石十  
二年邑令符永培題匾曰佛法無邊此外聯額頗  
多不盡載

雍正十三年四月二十五日奉

旨欽定入藏

華嚴會本懸談三十卷

華嚴會本懸談會元記四十卷

華嚴經疏鈔會本二百二十卷

梁山縣志

卷八

寺觀

七

華嚴普賢行願品別行疏鈔會本十卷

乾隆元年正月十一日起陸續交出奉

旨欽定入藏

法華元義釋籤四十卷

明高僧傳六卷

華嚴論四十九卷

十明論一卷

圓覺大疏十二卷

永明心賦註四卷



碧巖集十卷

五燈會元六十卷

元叟端禪師語錄四卷

楚石琦禪師語錄十六卷

八十八祖傳贊五卷

楞嚴正脈四十卷

彌陀疏鈔十卷

紫柏尊者全集三十卷

憨山大師夢遊全集五十五卷

梁山縣志

卷八

寺觀

性相通說一卷

莊子內篇註四卷

幻有傳禪師語錄十卷

雪嶠信禪師語錄十卷

天隱修禪師語錄二十卷

密雲悟禪師語錄十卷

大覺普濟能仁琇國師語錄七卷

明道正覺森禪師語錄三卷

宏覺恣禪師語錄二十卷



梵剛經直解十卷

毘尼止持會集二十卷

毘尼作持續釋二十卷

毘尼關要二十卷

止觀什要六卷

山茨際禪師語錄四卷

相宗八要直解九卷

五百羅漢尊號一卷

明覺聰禪師語錄二十卷

梁山縣志

卷八

寺觀

三

首楞嚴經疏解蒙鈔六十卷

宗寶獨禪師語錄六卷

勢至章疏鈔二卷

如意心咒經疏二卷

藥師經直解二卷

兜率圖鏡集三卷

準提經會釋三卷

滄山警策句釋二卷

四十二章經疏鈔九卷



八大人覺經疏一卷

成唯識論音響補遺四十卷

法華授手四十卷

賢首五教儀十卷

重訂教乘法數三十卷

御選語錄四十卷

御錄宗鏡大綱二十卷

御錄經海一滴二十卷

以上共五十四種計一千一百二十七卷乾隆

梁山縣志

卷八

寺觀

十四

二年三月二十一日奉

旨照歷朝年代次第一體編入字號

滇屏李雲程記

皇上御極之四年重刊三藏聖教經告成印百部頒賜天下名蘭大刹蜀省得二其一昭覺一則雙桂也共計七千二百卷作七百二十四函方丈透月旻購縑選工裝儲精密已有年矣鄭重其事甲申歲延程記之程聞佛西方聖人也其教至漢明帝時始入中國止有四十二章之經迄魏晉隋梁而經



益出然以梵語而譯爲華言不無訛謬至唐太宗時有法師元奘者親至西域取經較正爰立三藏之名一曰經卽佛所說經五千四百八十卷也一日論繫菩薩所說及諸解義也一日律乃戒律也益以唐宋元明各高僧語錄著述而釋藏遂較多于儒之四庫道之三洞矣夫佛有教宗二門教則用語言文字宗則不用語言文字世尊立教說法四十九年然末後拈花教外別傳禪宗已立宗法倡于達摩直指人心見性成佛然語言未嘗廢却

梁山縣志

卷八

寺觀

十五

蓋此一大事若欲以文字形容雖以太空爲紙須彌爲硯南海爲墨盡大地草木爲筆亦不能寫盡以其豎窮三際橫亘十方無時不然無物不有而論其微妙卽芥子微塵猶非其倫也故識得這個任他明說隱說總不離渠渠爲誰真我也真我者常在真心也卽性也儒曰存心養性道曰修心鍊性釋曰明心見性三教同歸是此一着吾儒以存心養性爲事天卽所以事親人人親其親長其長而天下平然則人人明心見性天下不亦無爲治



乎此漢唐來重其法布其經者良以有助于治道亦于儒理多所發明也豈徒不昧因果而已哉我朝崇儒重道而于釋氏亦為加意此非管蠡之見所能窺測其高深者也但念雙桂半畝之區以天下視之滄海之一粟耳而亦遠被

恩波得此大藏良由破山明手植雙桂以來子若孫相繼栽培灌溉者代不乏人若雲橋置經樓于前透月裝聖經于後其功均不可沒卽論禪學二公亦其翹出者也是以香達

梁山縣志

卷八

寺觀

六

九重知為蜀中名利故特賜之夫雙桂得此藏經以鎮益馨香而不朽矣而居是堂者務寶護珍重勿令遺失蠹殘尤須依經行持努力精進親見過父母未生前本來面目自與師家同一鼻孔不惟佛恩祖恩可報而上報

聖恩于萬一也是有望于後之人者故為記

督學吳省欽寄題雙桂堂詩海藏來天上招提萬古名拜山鐘響亂埽石竹陰傾講拂封人境屠刀化賊情木犀香近遠滯迹愧雙清



邑令符永培詩高僧推世傑名利驗山靈寺起雙

株桂樓藏萬卷經瞻碑欽筆法認屢仰儀型破山師遺

有靴何處神龕葬翛然萬竹青師葬于寺後萬竹山前有塔名

吳仇步符刺史遊雙桂堂元韻十里尋幽寺僧高

寺著靈千山留履跡一卷投心經桂竹吹清梵龍

蛇露典型深林蟬脫處憑吊草青青

姜嘉祐詩旭日曛隴出東海流照大千光皚皚雲

門挽之不得在影落天童成異彩天童茅結太白

巔一瓣香分臨濟傳錫杖飛渡岷江水卓立高粱

梁山縣志

卷八

寺觀

雙樹圓

破山母夢日出而生比長遊浙東天童山得臨濟之傳後于梁山構雙桂堂以居

聞說老人居閬中黃虎咆哮來獻忠殺人如草無

皂白日色沉沉不肯紅嗚呼維魚罹斯害一面誰

開佛之祖四大本無况一瓣五戒何如千萬戶對

賊大嚼擬大兵方外之兵抑何神當時食肉凡幾

輩坐擁金貂空復情破山破山爾最奇屠刀奚啻

百萬師閬中活得民無數高粱老桂人愛之一憶

吁嘻白馬馱經 頌蕭寺慈照于今到玉墀破山

破山爾最奇



邵鑿詩讀詩愛讀高僧詩尋趣宜尋方外趣神志  
羈鎖暫爲舒匹馬徑從名利駐入門瀟灑無點埃  
巖壑林莽紛回互登堂長老爲余言破山于此結  
茅住往者全蜀遭流寇虐害生靈非細故賊鋒將  
復屠保寧編氓百萬競惶怖誰敢呵止獻忠刀卓  
錫老僧邂逅遇勸阻語言本血誠救人不用佛力  
度賊云佛禁犬豕肉欲從汝請汝飽餽爲衆請命  
死不辭如來之戒何妨忤啖罷一城獲安全高義  
由來賊亦慕英雄膽略菩提心豈止忠魂得安厝

梁山縣志

卷八

寺觀

六

嘗客蕪湖聞金文毅公聲遇害因乞貸往市棺殮公載歸蕪湖菴中思將隻笛吹江

秋用破山偈中語我來本不參禪悟追維往事重徘徊涼

露無聲濕桂樹 又集杜詩二首 乘凌破山門三

觀水漲計大豈輕論建都未負幽棲志寄李十終防市

井喧園竹風迷野色遠遊草露滴秋根日暮林僻人來

少傷深居賴獨園題忠州龍興寺雙樹容聽法酬高直使君

如會法堂上堯率寺遠遊凌絕境秋日夔府書懷隨意宿僧房

和裴已撥形骸累長吟應耽野趣長重過何氏願聞第一

義謁文公上方神妙獨難忘送計八拾遺



增雙桂堂重建禪堂記

國子監司業李

惺西澀

寺舊有禪堂向經緒輝和尚重葺三十餘年來梁棟蟻腐庾戌秋方外舍弟洪道繼席後倏爾傾湫踣跌失所辛亥春始鑿大石四十八柱爲廊爲堂爲壁爲棟爲梁率皆古栢洵爲堅固心成堅固業因題堂曰般若蓋金剛般若名也此云堅固不壞然佛始坐道場其地堅固金剛所成故曰阿練若正修行處此地數百年來成住壞空已經劫矣畢竟爲道場至其興也以石爲柱以栢爲梁以般若爲修證以金剛爲心地由是觀之若心若

梁山縣志

卷八

寺觀

增一接十八

境等爲金剛常住不壞故其堂曰般若信矣其住是堂者以此心而住說法者以此心而說聽法者以此心而聽布施者以此心而布施卽鐘板交參真妄如一以及梵唄相和市井諸聲皆入般若之門又豈有靜亂之分山林城市之別乎癸丑夏功竣鐫名請序於余余念同根特爲之記如果金剛不壞或可與諸人種三生於石上

大雄殿匾 通最上乘

舍利殿匾 一無損壞



山門匾 龍天擁護

山門對聯

空處真空莫要區分誰境界

破山不破常須護惜此家風

以上匾聯均 李西漚司業撰

雙桂堂贈名金帶寺記

邑令李正東

梁邑雙桂堂創於明季破山禪師卓錫於此法侶僧徒多至數百人迄今蜀中叢林如昭覺文殊等皆由此分支衍派奉爲祖庭然二百年來未嘗以寺名也余於丙

梁山縣志

卷八

寺觀

增二

辰秋秉篆南浦越十餘日住持僧洪道以所得金帶呈閱長丈餘重四兩有奇望而知爲前朝舊物先是寺前小溪每夜輒有光彩如長虹然僧洪道督工濬渠遂得此帶乃知其精氣上騰有由來也考之紀載金山寺舊名浮玉唐貞元中裴頭陀開山得金節帥李錡乃易名金山余不敏何敢媲美前賢然表彰盛事有司之責時雖不同而事如一轍乃知雙桂堂之未嘗以寺名者誠有待耳佛法喜說因緣余之重來此地與寺之忽得此帶豈偶然哉夫事之僅見者恆爲吉祥之徵物之可貴



者動關郡邑之瑞宋韓魏公守廣陵郡圍芍藥開金帶  
圍厥後與宴四公皆爲宰相是金帶爲之兆也南浦本  
東川沃壤邑人士彬彬文質沉實高華將來或有聯翩  
而上繼美如魏公者故地不愛寶預發其菁英磅礴之  
氣余將拭目俟之仍以帶付洪道留鎮山門如東坡玉  
帶故事卽爲贈名金帶寺不特勝地勝事與金山並傳  
亦可爲他日佛教崇興之兆人文蔚起之徵特記其緣  
起如此

雙桂堂舍利塔記

邑令沈芝林

梁山縣志

卷八

寺觀

增三

雙桂禪林破山明和尚之道場也寺僧竹禪自清涼山  
攜歸貝葉經舍利子三吳梅邨祭酒清涼山讚佛詩多  
微詞旣屬潛龍奧區貝葉經文不奇奇此舍利分古佛  
之一體當與地天並壽日月齊光矣失其二衆僧白之  
方丈方丈曰是舍利子歟舍利子何失也微特碩果獨  
存舍利固在卽并其一而失之入於無何有之鄉遁於  
虛空無朕之地愈足見舍利之神奇無在無不在也一  
而神雨而化達斯旨也得失何有焉多寡何計焉衆僧  
曰吾師以廣大識發精微論非想非非想塵蒙之見第



恐不誠不潔時怨時恫故昭昭示戒發人猛省是宜力  
加懺悔以潔盛召方丈曰隨事自警此卽所謂覺真般  
若門中弟子舍利來復不遠矣衆生退而齋心滌慮清  
修梵行廣建法場六時禪誦宣呼佛號者有日一朝起  
視衆僧欣欣然走相告曰舍利來歸矣且加盈焉其數  
六異哉方丈曰無異也前固未嘗失茲又何所加也納  
大千世界於須彌子中而不見盈卽散須彌子於大千  
世界亦無所缺千潭一月也萬法一指也三化爲一一  
倍於三皆適然耳色不異空空卽是色豈日誦心經而

梁山縣志

卷八

寺觀

增四

忘味耶衆僧懽忻鼓舞合掌稽首曰微師言幾忘卽色  
卽空非空非色當頭棒喝始悟乍得乍失倏增倏減非  
我佛自弄狡獪誠恐世人於舍利子生輕忽心碌石視  
之固褻卽生貴重心珠玉寶之亦褻故於粒米之微失  
之神妙不可思議變化不可方物然后見我佛不生不  
滅隻千古而無對歷萬劫以長存非虛語也急建莊嚴  
寶塔以供養固宜今夏余權篆斯邑秋九月來游方丈  
語余舍利巔未建塔原始請爲文以誌其事當破山之  
在明季也人第傳破齋止殺其彰彰大節在吾邑收塋



金文毅公父老至今猶傳之後隨先大夫入蜀覽其遺墨愈想像其爲人今幸得登其堂瞻其杖履值塔功告成是佛家所謂大有因緣者歟余何敢以不文辭爰撮其語而爲之記方丈洪道俗姓李西澗司業族弟塾江人也

梁山縣志

卷八

寺觀

增五



夏家觀

巖上有石佛三尊

陳家觀

玉皇觀

天茂菴

寶花菴

竹家菴

白衣菴

秀峯菴

天寶菴

梁山縣志

卷八 寺觀

九

以上俱小南路

萬壽寺 縣西城外

西竺寺

觀音寺 二處

鳳凰寺

湖渾寺

傅家寺

陳東寺

法輪寺



雙龍寺

天福寺

新盛寺

鐵佛寺

千峯寺

四維寺

開元寺

雷音寺

廻龍山

梁山縣志

復興堂

常樂菴

佛興菴

觀音菴

葉家菴

廻龍菴

蔡家菴

以上俱西路

觀音寺

二處

卷八 寺觀



優曇寺

興隆寺

清涼寺 二處

接龍寺

天池寺

智燈寺

圓覺寺

亞聖寺

大黑潭寺

梁山縣志

卷八 寺觀

三

碧山寺

小黑潭寺

寶珠寺

白兔寺

宏山寺

高峯寺

波漩寺

銅鼓寺

大興寺



竺雲寺

三楚堂

銅鼓寨

福德觀

江家菴

鄧家菴

謝家菴

以上俱小西路

報國寺

縣北城外內有垂雲樓

梁山縣志

卷八

寺觀

三

迴龍寺

祇園寺

卽蕭家寺

橫山寺

高家寺

永盛寺

都會寺

〔馮之璋記〕梁邑之北路樂善鄉有都會寺去城三

十里自漢唐創建其來遠矣凡縣君按臨胥此駐

蹕璋明末猶見梵宮森立層軒羅列苾芻數百人



俱猗歟盛哉不期兵燹茅茨庇生金相獅駝入荆  
棘昔之棟梁悉歸瓦礫迨

本朝定蜀地方彫殘里老曾勝助僧然佐募建堂宇  
彼都人士協力新修及滇兵變起僧又散亡榱椽  
毀而莫構瓦片崩而莫補尤增太息幸真學和尚  
以夔人寓黔行潔珪璧擁錫來遊伊知宅生者緣  
業空則緣廢存軀者惑理勝則惑亡爰是鳩工修  
補捐貲莊嚴厥功倍著丙子歲余以拜墓訪僧師  
云昔之常住田畝以闔僧故人盡墾訖日今僧衆

梁山縣志

卷八

寺觀

三

食寡實難招聚余聞之一垂念古蹟顛覆傍徨四  
顧不忍去一追憶先人創產維艱皈依三寶不靳  
施發心將寺前吳家冲田林一段沐手書契呈獻  
佛臺敬竭寸誠而已敢云功德乎哉龍神作証四  
界詳明樂里父老用刊碑石垂爲香火永奉神君  
伏冀宰斯土者氣茂三明情超六入眷言靈宇載  
懷興葺里中秀樸者內存菩提外作金湯世世護  
法幸甚幸甚康熙 年

觀音寺



白馬寺

雲台寺

大聖寺

石佛寺

朝陽寺

碧天寺

龍王堂脚菴

尊勝寺

普勝寺

梁山縣志

卷八 寺觀

二

萬興寺

清都觀

迎水菴

九龍菴 二處

普靜菴

以上俱北路

